


清  
宣  
統  
翰  
外  
文  
史  
精

三  
十  
四  
冊

第

二  
十  
四

冊



清宣統朝外交史料卷二十四

宣統三年十月至十二月

目錄

科布多辦事大臣忠瑞咨外部呈送會議修改俄約調查表文 附界

務商務稅務雜務表十月初一日

外部致陸徵祥中俄界務一時難決請商俄政府暫行停議電 初三日

外部致周樹模中俄界務尊意是否重在滿洲里車站或附近地希

覆電初六日

外部致趙爾巽日使稱日本政府決無助革黨之意電 初七日

外部致汪大燮東督電稱藍天蔚在大連希圖起事已告日領防範

希商日外部飭辦電 初七日

諭各省督撫馮國璋克復漢陽着賞給男爵電初八日

黑撫周樹模咨外部呈送中俄界務會議錄文

附會議錄及答辯條文十一日

駐藏大臣聯豫致外部英使照會所指禁止藏人與英人直接證據

並無其事函十二日

外部致法署使裴續借洋款業經資政院議決照會十二日

外部致伊集院東督電稱日人有本等與王國柱有意擾亂請嚴行

取締函十三日

稅務處咨外部延吉分關擬在火狐狸溝設卡鈔送章程請照會日

使文附章程二件十五日

外部致使英劉玉麟華僑在哥林比亞國經商希商英廷飭英領代

東爲保護函十六日

外部致各國公使奉旨准監國攝政王辭退歸邸照會十七日

外部致陸徵祥黑撫電稱中俄界約本日畫押希告俄外部電

十九日

東督趙爾巽致外部日廷不贊成革黨及鬻匪舉動函二十二日

駐法代辦戴陳霖呈外部中巴公斷條約本日互換電二十五日

外部致周樹模俄使稱劃界條款無須由政府批准電二十八日

度支部致外部美國退還賠款已接濟兵餉俟籌妥歸還片

十一月初一日

使美張蔭棠咨外部墨亂議結賠償華僑財命訂立證明書送請備

案文附覆文呈文照會函及證明書各一件初三日

東督趙爾巽致外部呈送中日合辦本溪湖煤鐵公司合同附加條

款文附條款初十日

代理魯撫胡建樞致外部德領請撤銷運牛限制應俟各議員議決

施行函十三日

外部致伊集院吉林日人販賣嗎啡既經驅逐華警亦已處分照會

十九日

南京民政府致各國領事推倒清朝保護外人的生命財產通告 二十一日

外部致各國公使聞張謇爲革軍商借洋款請阻止函 二十一日

使俄陸徵祥致外部俄外部言庫倫事如中國有他法俄決不願願

八問電二十三日

東督趙爾巽致外部日人鎗擊海城縣令事情重大已駁覆電 二十九日

法使馬覆外部南軍與洋商借款未聞商人議及照會二十九日

旨寄各督撫將軍都統著嚴飭所屬保護外人電十二月初一日

內閣致外部日兵出關保護橋樑與約不符請商日使撤回函十八日

外部致伊集院民軍以招商局產業向日本抵押借款請阻止節略

二十日

海軍部咨外部英廠代造魚雷艇試驗事已電劉大臣查照文附電

稿二十二日

郵部致外部各國派兵保護京榆鐵路章程分別准駁函附章程二十七日

外部致伊集院大倉洋行付款展期契約已由部簽押照會二十七日

外部咨度支部雲南隆興英法公司償款請撥付文二十九日

跋

長治縣志卷之四  
內閣書院  
自將合書編錄軍府  
諸以高麗長將南  
與昔西書局未開  
商人歸及照會  
下其以



清宣統朝外交史料卷二十四

男希隱亮編

黃巖弢夫王彥威輯

孫孝章敬立校

科布多辦事大臣忠瑞咨外部呈送會議修改俄約調

查表文

附界務商務稅務雜務表

爲咨呈事據行營調查局會案呈稱案奉外務部咨行准東三省總督案照修改中俄陸路通商條約一事內稱內外蒙古天山南北等處調查報告請咨沿邊各省督撫大臣將軍都統一律派員會查等語並准外務部文內開宣統二年爲修改中俄通商條約三次屆滿之期貴大

臣如有所見亦希各抒己意以期集思廣益等因附調查綱目表咨行前來蒙批發交卑局會同中俄局辦理等因奉此查此案前奉部中電飭後業於宣統二年十一月十九日擬具說帖呈請核咨在案茲奉前因自應查照界務商務稅務雜務按據款目問題逐條分晰調查報告以備採擇惟阿爾泰巖疆僻處風氣未開歷年闢治草萊一切外交猶須審慎言貿易則難開商埠論稅鈔則概免徵收凡條約中所謂設官建署各事宜尤非阿爾泰所急務其他俄國之官警制度殖民情形以及籍產防維學校風化爲荒徼所難知即蒙哈各游牧中間有工商受僱俄國者向不呈報前來亦無從悉其底蘊是以類別之中商務稅務雜務三項爲阿爾泰所報告者實屬寥寥界務一類則阿爾泰緊接俄

疆調查自關鄭重此中情勢有須研究其由來者應即謹依來表仍分四類摘舉款目查對問題於界務中稍加詳註以示區別理合據實陳明等情並填註調查各表彙集成帙呈請核咨前來本大臣覆查阿爾泰地同甌脫與科布多劃界分治後一切內政尙須極力經營以言外交誠多顧慮該局等此次所呈各節及對問俄約調查綱目表均屬實在情形相應備文轉咨大部謹請查核施行須至咨呈者

十月初一日  
商約檔

會議修改俄約調查表

第一類 界務

款別	綱目	調查問題	所擬何本	何處擔任調查研究
一	交界百里區域	兩國邊界百里照約應以華里計算兩國有無劃定區域其區域分明否	光緒七年	各省調查員

查阿爾泰所屬與俄交界地方其北面區域即大阿勒臺山後自科布多所屬杜爾伯特西界之索果克卡倫起迤西由哈屯里達坂過查罕河源霍木河源哈喇斯淖爾之北接阿克哈巴河源是爲同治三年舊界續於光緒九年復勘之時此段界務仍循其舊又自阿克哈巴河源起向西流至喀喇哈巴汀交會處由河西過山出薩斯山灣至伯勒哲克畢爾愛喇克巴什河源又循此河西行過克森阿什奇克真山梁至阿克塔斯河與阿拉克別克河交會處向西南順流以河爲界直入額爾濟斯河是爲光緒九年勘改新界其劃定區域左右一里之間均有確鑿證據若限定百里以華里計算查沿邊各界均係高山深澗多爲人所不到之區若踰越丈量牽算轉虞失實且營中旣無矩器亦無深悉測繪之員更不能任意登臨憑虛推

續章  
第一  
款  
員  
國外調查

步是兩國區域既自分明即邊界百里自有方隅  
 可守惟阿拉克別克河東岸光緒二十八年俄官  
 因該處鄂博左邊一里餘中國地面俄人潛蓋房  
 屋藉此希圖侵佔捏改河名經前任科布多參贊  
 大臣等辨駁有案迄今未結又克哲勒阿什地方  
 俄人越界種地亦經迭次投文查問終未接到覆  
 件其案亦遂久懸此次修改條約擬請同時併案  
 研究永斷葛藤實爲清查界務要義

中俄卡倫三十五處（雍正五年條約有六十三  
 處）係在何處起於何方訖於何地現在存廢如  
 何并詳查卡倫制度

查中俄卡倫三十五處原單內開各名屬於阿爾  
 泰昔年邊境者約有二處曰攸斯提特曰蘇鄂克  
 係因迭次劃分疆域該卡倫今在何處無從確指  
 若雍正五年條約有六十三處分屬於阿爾泰邊

二

卡倫

光緒七年續章附單

各省調查員  
 國外調查員

三

界牌

界者更不可考但就阿屬邊境現在卡倫言之起於阿境北面哈頭里達坂之西曰霍洞淖爾卡倫又西曰胡木蘇託羅蓋卡倫又西曰烏松呼吉爾圖卡倫又西曰呼吉爾圖布拉克卡倫又西南曰薩斯卡倫又西南曰克阻勒阿斯卡倫又西南曰阿克塔斯卡倫訖於阿境西面之阿拉克別克卡倫共計卡倫八處此係阿屬所存者其卡倫制度每處設臺吉一員兵十名分計四卡倫設侍衛一員協理臺吉一員合計八卡倫共設侍衛二員協理臺吉二員散臺吉八員卡兵八十名所需各項支給銀兩由科布多參贊大臣核發其各臺吉在卡倫一年無過准予議敘加級由烏里雅蘇臺將軍彙案辦理每歲巡查卡倫由阿科分起派員前往中俄交界之界牌記號有無廢置移設伊犁塔城與俄交界之界牌兩國已特派大員安設究其所

光緒七年  
改約

各省調查  
員

定新界是否妥密有無別項關繫設立界牌處之形勢及其他之組織建設兩國有無區別

第七款

查阿爾泰與俄交界之界牌記號自光緒九年勘改界約後並無廢置移設其所定新界尙屬妥密惟俄人於阿拉克別克河左邊一里餘中國地面潛蓋房屋又於克哲勒阿什沃饒之地越畔而耕該兩處界牌稍有關係此外形勢及其他之組織建設現在雖略有區別尙無妨礙

八

盜取邊界牲畜

邊界盜取牲畜之罰辦方法現在是否實行照約辦理有無障礙牲畜而外如木石魚草鑛產之盜取如何罰辦

光緒七年改約第十款

查阿爾泰毗連俄境彼此牲畜被人越界盜取亦所時有現在罰辦方法多不持平照約辦理亦不免有所障礙查光緒七年中俄改訂條約第十七款內載凡有牲畜被人偷盜誘取一經獲犯應將

各省調查員  
國外調查員

牲畜追還如無原物作價向該犯追償倘該犯無力賠還地方官不能代賠兩國邊界官應各按本國之例將盜取牲畜之犯嚴行究治並設法將自行越界及盜取之牲畜追還其自行越界及被盜之牲畜踪跡可以示知邊界兵並附近鄉長等語查追還牲畜一節常有於示知踪跡後不分真僞已否追獲一味要索賠償其中屈枉多端在所不免今宜聲明示知踪跡後仍由該邊界兵或鄉長帶同失主跟踪追獲送交邊界官按約懲辦方得水落石出即不能追獲失主亦無可施其強橫至木石魚草鑛產等類之盜取現尙無罰辦方法擬請大部核議通章俾各遵照辦理而弭爭端

十  
重案犯互  
交

照約犯罪人不可彼此妄拿存留究竟洋文原約是否單指在華而言能否挽回是否實行  
查咸豐十年北京條約第八款據中國官本內載

咸豐十年續約第八

國外調查員



款

遇有大小案件領事官與地方官各辦各國之人不可彼此妄拿存留治罪又據俄文官本重譯此款內載不論犯案之重大與否領事官與地方官長祇能設法懲辦本國之犯彼此皆無權拘留及查辦非本國所屬之人至於罰辦更不待言矣各等語按此款上文中國官本有云係中國人犯者或在犯事地方或在別處俱聽中國按律治罪又俄文官本譯云犯者係華人或歸犯事地方官長懲辦或須發往他縣抑省治地方懲辦之處悉按國法規則辦理各等語其中或在別處一語俄文譯出或須發往他縣抑省治地方字樣顯係單指在華而言惟俄人犯事之在華者中國並無拘留及查辦之權若華人犯事之在俄者俄國任意拘留及查辦甚至罰辦亦有之是彼此辦法未能兩得其平非所以挽回而重公法又俄人入華境昌

險私行走失無著強索華民認賠動以萬計華人  
被俄人戕斃者非只一案且已由俄官驗明屬實  
比年全未了結華民負屈太多人情向背之機所  
關非細擬請聲明以後遇有重案彼此一體辦理  
毋相懸遠致礙實行庶於邊氓稍有裨益

越南邊界兩國人民過界應照兩國章程領取護  
照中俄交界是否照行並須聲明游歷護照不能  
作為買賣貨物免稅之憑據否

查阿爾泰西北兩面緊接俄疆路徑紛歧頭頭是  
道而荒涼偏僻覺察難周俄人越界往來並不呈  
驗護照常有單身行走小道或被野獸殘食及風  
雪所傷遂指為華民所害前俄商阿布都哈達爾  
二人迷失無著一案是其明證且近來輪船探水  
弋獵打牲結黨連羣闖入華境越界每至數百里  
以外倏來倏去過問殊難似此情形實於邊務大

十一

游歷護照

中越  
章程  
第五  
款

各省調查  
員各抒意  
見

受影響擬請聲明阿爾泰邊界中俄兩國人民應照各國章程領取護照方准過界凡有人民之未領護照而過邊界至五十里外者其在中國則聽中國地方官扣留其在俄國則聽俄國官扣留彼此即交各本國官員酌量情形審辦至游歷護照不能作為買賣貨物免稅憑據應俟阿爾泰將來議定稅則廢棄免稅之例再行聲敘

十二

會同查辦

邊界查辦事件照約由兩國邊界官會同查辦究竟彼此在何處設有邊界官是何名稱能否辦理允洽應否添設會同查辦之員有無會訊之嫌查阿爾泰與俄接壤地方所設邊界官員其在中國於阿拉克別克河及昌吉斯臺二處各設卡倫侍衛一員又於哈巴河設分防營務處一員其在俄國於宰桑斯克及烏斯喀明各設烏牙孜一員所有邊界事件該各官稟報或逕由阿爾泰行營

咸豐十年續第十款

各省調查  
員並抒意  
見

添派中俄局總辦及營務處各員會同查辦惟會訊之嫌或所不免然俄人果予和平商權可爭者爭可讓者讓當亦辦理允洽而無不了之案擬請大部與俄使核議務令彼此遵照條約悉心研究持平辦理以弭猜嫌

十五

國界河流

中俄國界江河及其支流若干能通航者若干現在不能通航者若干外蒙古之烏魯克木河（即俄葉尼賽省之葉尼賽河上游在我烏梁海）及黑伊爾特什河（即克喇額爾濟斯河入俄齊桑淖爾湖）尤宜詳細查明

查中俄國界江河屬於阿爾泰境內者一曰額爾濟斯河該河有東西二源西源為喀喇額爾濟斯河即黑伊爾特什河其源起於喀喇溫爾常山口向東南流百餘里有東源花額爾濟斯河自東北來注之花額爾濟斯河源起於青吉斯達坂自北

各省調查  
員  
國外調查  
員

而南數十里有庫爾圖河水自東來注之又西南流百餘里匯於喀喇額爾濟斯河合而西南流數十里有喀喇屯克水自東來注之又西北流百餘里有蘇布圖水自北來注之又折而西流二百餘里經噶勒札爾巴什淖爾之西北又西流約五十餘里有克林河水自東來注之克林河之源起於阿爾泰山前烏西嶺額魯木圖達坂之中分數派自北而南迂折流一百餘里經承化寺行營西北合而東南流過漢民莊約百里有罕達蓋圖水自北來注之又西流約八十里經喀喇通古有克木奇大小二水自達蘭鄂博發源由西北分流注之又西南流約六十里有固爾圖水自北來灌於藪澤會而西流三十餘里入於額爾濟斯河又西流百餘里經帖列克得山有布爾津河水自北來注之布爾津河源起於阿爾泰山前霍木蘇託羅蓋

由東北而西流約一百八十餘里有喀那斯淖水  
自北來注之又折而南流約百餘里有松都魯克  
山諸水東來注之又西南流約五十里有海琉灘  
水西來注之又西南流約八十里入於額爾濟斯  
河又西流經通浣下游約一百五十里有哈巴河  
水自東北來注之哈巴河之源不一起於阿爾泰  
西山中俄交界地方即阿克哈巴河源自東北而  
西南流左右納諸水過克木里西經防營約三百  
里入於額爾濟斯河又西北流約八十里有畢勒  
哲克河水北來注之畢勒哲克河源起於阿爾泰  
西麓中俄新界地方自北而南流四十餘里有愛  
喇克巴什水自東來注之又西南流約三十里有  
薩斯水自東北來注之又西南流約四十里有布  
果里水自東北來注之又西南流四十餘里入於  
額爾濟斯河又西北流約七十里有阿拉克別克

河水自東北來注之阿拉克別克河源起於新界之俄境四十里地方流入中界十餘里有阿克塔斯河左右二水自東西分來注之又西南流約七十里入於額爾濟斯河達俄境宰桑淖爾以上交界河流僅有阿拉克別克一處其河源除阿克哈巴畢哲勒克二處係屬聯界外其餘各處河源亦均與俄無涉以外並無支流至通航水道惟額爾濟斯河上駛能至布爾津河口曾有俄輪潛越來此探試水道經阿營禁遏報告在案若烏魯克木河係在唐努烏梁海境內歸烏里雅蘇臺管轄應由該處將軍飭屬詳查報告

十七

國際郵電

中越章程載中國官商所寄往來公文書信電報法國郵政電報各局一律遞送並不阻止俄國對於我國此種郵電能否一律遞送送費等次若何電碼應用何種有無阻隔應購譯其郵電章程

光緒十二年  
越中  
程章  
第

員  
國外調查

第二類 商務

查阿爾泰尙無郵政局所其電報通達新疆正在創設尙未成立所有中國駐阿官商寄發公文書信係由臺驛各路發行並無由俄道往來之事其郵電章程暫亦無須購譯

四款

款別

綱

目

查

問

題

所據何本

何處擔任調查研究

一

百里貿易

甲

百里內任便貿易

其物品以何種類爲多適用何國貨幣有無一定市場我之與彼貿易孰大彼我貿易利益孰多查阿營漢纏各商運出貨物以牛羊馬匹等爲多即在交界百里內銷售或尙不及百里蒙哈在游牧內以牛羊駝馬皮毛賤價與俄商易物爲數甚鉅適用俄帖然不甚多並無一定市場各商販運

光緒七年續第一款

各省分任內外調查



土貨在邊境銷售之後隨將原帶俄帖並其卸貨銀兩仍購運一切洋貨回店發賣故貿易以俄為大利益亦以俄為多

稽查限制

既云任便貿易自不應再有稽查限制之法而原條下文又有任憑兩國限制辦理等語有無抵觸之處現在俄界百里內限制方法若何有何定章可查

查百里內任便貿易均不納稅下文又有稽查限制等語蓋稽查限制係驗貨蓋戮及不准包庇等事如光緒七年續章第三款同治八年改章第二十款各條暨本綱目表十四款通商限制問題居住兩國通商日期應隨該商人之便不加定限及兩國商人至通商之處准其隨便買賣等事就他處邊境界百里外仍須納稅者而言其約章語意自無抵觸若蒙古地方百里外均暫免稅則情形

光緒七年續章第一款

各省分任內外調查

似有不同今就阿爾泰之遵守中俄約章於所轄地方均未設立稅卡以致俄商潛來蒙哈游牧無論距離邊界遠近各地方既係任便貿易使中國無從稽查更無限制之法而俄國顯違約章一則於烏里雅蘇臺洋卡徵收牲稅再則設卡阿拉克別克河東均在百里之內其限制方法雖無定章可查然於我華商人入境徵稅之外並將中國銀錢扣留查核甚嚴且有迫令出境之事似此歧異緣中國對於俄商遵守原條上文任便貿易均不納稅等語而俄國對於商華誤會原案下文稽查貿易任憑限制語意以至於此是稽查限制之法與任便貿易一語不免有所抵觸擬請同時研究酌改俾持平允而維公法實於商務有裨

九

運道

甲

運道之一

內外蒙古及天山南北路之俄商過路又其過界

光緒

各省調查

是否均照卡倫單所定卡倫行走有無繞越情弊  
所設卡倫及卡倫官有無變更廢置並查明華商  
入俄通道

查阿爾泰一帶地方俄商過路甚多其過路界處  
所強半不照卡倫單所定卡倫行走其繞越實所  
難免惟所設霍洞淖爾等八卡倫官尙無變更廢  
置若華商入俄之通路以承化寺行營西南之阿  
拉克別克及濟木乃等處爲常而蒙哈小販以零  
星土物運銷俄國者則又於行營北面之昌吉斯  
臺等數卡倫隨冬夏之宜以爲便捷

十二  
不准出口  
物件  
不准出口物件僅止中國米及銅錢兩種應否酌  
加米之外關於民食主要物品尙有何種銅錢以  
外之地金地銀及金銀幣應否一律禁止俄國進  
出口之物件若何應將其律令覓送  
查民食主要各物品米之外爲數甚多凡五穀之

七年續約  
第二款

光緒七年續約  
第十款

員

各省及國  
外調查員

十七

內地購貨  
單照

屬均在其內阿爾泰地方土性惟小米尙屬相宜是宜酌加禁令不准出口至銅錢以外之地金地銀及金銀幣雖阿爾泰菁華未發風氣待開然自內地及各處商賈流通而來者亦所常有自應一律禁止以免利源外溢若俄國進口物件以中國蒙哈牲畜及皮毛爲大宗出口物件有煤油胰子各種洋酒氈毯之類雖俄之律令不得其詳然其利益實非淺鮮

洋商入內地購土貨照中越通商章程必須請領三聯執照無照逢關納稅遇卡抽釐俄商入沿邊一帶及往來三省蒙古天山山南北路等內地購辦土貨有無請領三聯單之舉應否分別仿行華商入俄界購貨有無此等單照  
查俄商入阿爾泰地方購辦土貨無請領三聯單之舉華商入俄界購貨亦無此等單照如欲分別

中越  
章程  
第七  
款

各省並出  
國調查員

十八

交易方法

仿行宜俟設立稅卡之後方能議及

俄民在蒙古伊犁塔爾巴哈臺喀什噶爾烏魯木齊天山南北路各城貿易照約得以貨相易並准以各種貨物抵帳現在是否仍舊有無行用俄幣之處以貨抵帳何以清算有無不動產扣押借貸情事

查阿爾泰地方向有俄國行商以貨相易以貨抵帳之事現在尚仍其舊俄國貨幣亦到處行用以貨抵帳大都視貨值若干即抵帳若干惟俄商狡黠於蒙哈清算時俄商強半獨佔便宜至以不動產扣押借貸現尚無此情事

二十三

運輸機關

中俄貿易之運輸機關若何

查阿爾泰實業風氣未開雖有少許貨品不知織造故運輸入俄僅得賤價俄人則貨物極多備極精緻往往即以其收入之皮毛一經造作氈毯顏

光緒七年改約第十款

伊塔新烏調查員

各省及國外調查員

色鮮明花樣華美即以善價鬻於華人舉此一端  
餘可概見故同一運輸而機關有發達不發達之  
別

二十六

蒙古天山  
等處貿易

中國貿易之情形及十年內貿易額之比類

查阿爾泰所屬蒙古各地方哈薩克萬衆漢戶僅  
數十家歷來商賈僅有俄國邊界人民潛來各游  
牧爲數無多戶中每年偶有一二人前往新疆販  
運零星貨物自光緒三十一年創設重鎮現在承  
化寺附近漢纏市肆成立月異而歲不同故其貿  
易現情比較數年之內額數大有起色

伊塔新調  
查員

第二類 稅務

款別

綱目

調

查

問

題

所據  
何本

何處擔任  
調查研究

十一

百里免稅

邊界百里內免稅現在俄界是否實行免稅必有

光緒

國外調查

憑證必有稽查方法應一一查實舉明若將此例破除於我有利益否

查阿爾泰西面俄界百里內俄人於烏里雅蘇臺徵收牲稅又設卡於阿拉克別克河東是俄界於百里內徵稅確有憑證此可為查實而舉明者而中國對於俄國現在蒙古及天山南北等處一概免稅是百里內免稅自不待言將來廢棄伊蒙免稅之時能將百里免稅之例一律破除似於中國略有裨益

十二

伊蒙免稅

俄人在蒙古地方及各盟貿易照舊不納稅並准伊犁等處天山南北路各城貿易暫不納稅其關於稅務經濟商業各方面上必有極大之影響照約俟商務興旺可即議定稅則廢棄免稅之例現各處商務興旺否應否廢棄免稅之例酌議相當稅則

七年續第一章款

員

光緒七年改約第十款

伊蒙各路及沿邊各省調查員調查研究

查伊蒙免稅條款關於稅務經濟商業方面上原有極大之影響伊犁塔爾巴哈臺喀什噶爾烏魯木齊等處現在商務業經興旺固可廢棄免稅之例酌議相當稅則即阿爾泰地方初創然中國商人由阿地赴俄境販運貨物及買賣牲畜俄卡往往收稅銀則揆之公理訂立約章兩國應無歧異惟阿屬將來設立稅卡其西北路應在濟木乃哈巴河一帶適中要隘東路查驗放行之所冬春兩季應在沙紮蓋臺夏秋兩季應在烏西嶺各設分卡所有俄人過界之處擬請商定西由阿拉克別克河及濟木乃兩處北由昌吉斯臺此外不准擅行出入以防繞越而重稅務

#### 第四類 雜務

款別

綱

目

調

查

問

題

所據  
何本

何處擔任  
調查研究



十一

租地

張庫餵養牲畜地及喀什塔三處畜牧地之幅員若干是否繳納地租

查咸豐十年續約第六款內載俄人試行貿易並照伊犁塔爾巴哈臺給與空曠之地以便牧放牲畜等語阿爾泰與塔爾巴哈臺地方毗連同治光緒年間曾經借與塔城管轄俄商緣此屢入潛牧所在時有姑不計其已否繳納地租而所關實非細故且阿屬幅員褊小各蒙旗牧地因本國哈薩克戶口蕃多已形擁擠更何堪任外人之分佔現在阿爾泰尙未設立領事此等情節似應查禁以安游牧而弭事端

咸豐十年續約第六款

庫張新伊塔五處調查

十四

丙

交涉行文

邊界大臣文書轉送方法是否仍照約行東三省已有郵政之處例應聯絡應否設法改良  
查咸豐十年續約第十一款內載各處行文未列科布多等處惟同治三年塔城界約第九款內載

咸豐十年續約第十一款

各省調查員各抒意見

青... 卷二四一三

自今勘定邊界之後烏里雅蘇臺科布多二處遇有會同俄國查辦事件應擬增添由烏里雅蘇臺將軍科布多參贊大臣與託木色米珀拉特二省固畢爾那託爾往來行文辦理等語則阿爾泰地方由科布多劃分遇有交涉事件自應與俄國該二省行文辦理從前阿屬借與塔城管理時係由塔城參贊大臣與俄國西悉畢爾總督往來行文自塔城將阿地交還設立辦事大臣後所有阿屬交涉事件係辦事大臣行文由庫倫及塔城各領事轉送託木省等處至前年烏里雅蘇臺設立領事後即由烏城領事轉送間有仍由塔城者現在郵政尙未成立應如何聯絡設法改良之處容俟將來再行妥擬

張家口之俄民鋪房行棧現已建設若干其建設之地是否仍由地方官照伊塔通商章程無價給

十七

租建

光緒七年

予現在應否議費並加限制

查光緒七年改約第十三款內開給地蓋房係援照咸豐元年伊塔通商章程第十三條內開俄商貿易必須房屋即在伊犁塔爾巴哈臺貿易亭就近由中國指定一區令俄商自行蓋造以便住人存貨等語阿爾泰從前借歸塔城管轄時俄商藉此潛入各游牧搭蓋土房住人存貨以至蔓延阿屬迄難禁止竊思阿爾泰現尙未開商埠未設領事不宜由俄商在各游牧任意蓋房嗣後非經中國行文允許指明何處准其修建房屋如有俄商潛入私自營造或華人納賄別有弊竇及此者即將該房屋充公任憑中國辦理此事前經呈請奏咨並擬具說帖中詳載在案

增

往來行路

俄國領事官在蒙古地方及天山南北兩路往來行路按照天津條約第十一條北京條約第十二

改約  
第十款

光緒  
七年

阿爾泰等  
處調查員

條可由臺站行走此事有無窒礙

查俄領事往來行路經過地方自應照章保護若常索駝馬供給爲約章所未有邇來西北沿邊有臺各處恐因細故釀成事端不得已如數應付幾至應接不暇阿爾泰於光緒三十一年早經奏請改臺爲驛以恤蒙艱所設南通新疆東達科布多各驛站專遞摺報公文本營差使亦不供給故俄領事來往過境不便應付駝馬相形之下誠恐俄官暗生意氣遇事爲難嗣後辦理外交愈形棘手似宜於條約內特別聲明以資遵守而固邦交

改約第十款

外部致陸徵祥中俄界務一時難決請商俄政府暫行

停議電

洪黑撫電稱中俄界務一時難決俄員留此諸多不便擬請向俄政府

婉商暫行停議事平再商等語查滿洲里劃作俄地等條決難承認如俄政府堅不就範祇得暫行停議希商外部並電覆外務部江  
十月初

三日中俄界務檔

外部致周樹模中俄界務尊意是否重在滿洲里車站

或附近地希覆電

洪陸大臣電稱遵商彼言事越兩年斷難再忍切勸中政府速了爲佳  
覘被詞氣不惟停議無望且各部會議或有嚴重訓條電令廓使轉達  
似在意中惟彼詢及中國所指滿洲里是否專指車站抑并附近地帶  
在內未識將車站留出而附近地酌讓是否可行抑滿洲里必全留則  
他處可讓之地迅卽裁示或可商等語查俄政府既不肯停議而辭又

堅執勢不能不稍予通融究竟尊處注意是否重在車站抑在附近地  
害從其輕希酌量情形電覆以便電陸使磋商歸束外魚

十月初六日中  
俄界務檔

### 外部致趙爾巽日使稱日本政府決無助革黨之意電

申頃由曹副大臣照來電各節切商伊使據稱屢接日領來電亦稱地  
方有不靖情狀惟大都仍係謠言未可盡信業經電飭領事防範日本  
政府決無助革黨之意革黨勾串馬賊難保必無惟東省日軍約有三  
萬北面又有俄軍革黨諒難放手起事此時總督宜堅持鎮定所駐各  
軍宜團結鞏固或有小變宜不爲搖動切勿自餒授匪以間當照來意  
轉電本國政府必加意協助至匪在鐵路附屬地內購械招兵等情如  
有其事日領必竭力搜查藍天蔚現在大連據新聞載自稱養病同住

四五人諒亦無甚作爲當飭日官隨時偵察云云特此密達外務部陽  
十月初七日東三省檔

外部致汪大燮東督電稱藍天蔚在大連希圖起事已

告日領防範希商日外部飭辦電

申東督電稱東省情形日危革命黨潛往日本車站附屬地購械招兵  
運藏炸彈聞日本有發給鐵路免票之事藍天蔚在大連自稱關東臨  
時都督散布僞劄招兵已勾結起事者有復州莊河鳳凰廳遼中等處  
又勾在山海關外溝幫子等處伺截軍火轟擊鐵路此外革黨鬚匪在  
省鬻集不下十數起屢報起事皆經鎮壓幸免頃聞已發鎗械甚多勢  
將暴動早間密告日領 一請其協同拿匪搜查彈械 二如有暴動

我任保護請勿派兵干涉 三閩事皆鬚匪係充革黨勿認國事犯等語希本此意密商日外部迅飭日領照辦並將所商情形電覆外務部

十月初七日東三省檔

### 諭各省督撫馮國璋克復漢陽著賞給男爵電

本日內閣奉上諭疊據內閣呈遞第一軍總統馮國璋電稱武昌革黨於九月二十六日遣悍黨二千餘人由漢河上游駝騾口潛師渡河抄襲官軍右翼後路當經馮國璋分兵迎擊黨衆潰敗官軍踵躡渡河該黨防禦極固並多次反攻經官軍節節奮擊次第克復蔡甸四平山黑山梅子山龜山等處初七日申時克復漢陽當兩軍酣戰之際黨衆由武昌遣兵數支渡江襲擊官軍左翼後路之二道橋叛艦海容等船協



力猛攻均經官軍一再擊退各等語武昌此次兵變自稱係爲政治競爭朝廷本不忍以兵力從事經飭督師大臣袁世凱暫停進攻疊委道員劉承恩海軍正參領蔡廷幹馳往漢口武昌反復開導該黨首黎元洪迄不就撫仍復左右進攻襲擊官軍甚力實屬甘心擾亂治安荼毒生靈幸前敵將士深明大義忠勇奮發得以克復重鎮深堪嘉尙馮國璋著賞給二等男爵其餘出力將弁著馮國璋查明擬獎候旨施恩其傷亡兵弁著一併查明具奏分別從優撫卹以作士氣而慰忠魂欽此

內閣十月初八日雜項檔

黑撫周樹模咨外部呈送中俄界務會議錄文

附會議錄及答辯條文

爲咨呈事本撫院會同俄勘界大臣在省會議中俄界務所有第十四

次會議錄業經鈔冊咨呈在案茲於華歷宣統三年九月十九日即俄歷一千九百十一年十月二十七日開第十五次會議已於華歷九月三十日畫押互換相應照刷第十五次會議錄一冊備文咨呈鈞部謹請鑒核施行計呈會議錄一冊十月十一日中俄界務檔

中俄兩國由塔爾巴幹達呼第五十八號鄂博起至阿巴該圖第六十三號鄂博止並沿額爾古訥河至該河與阿穆爾江（即黑龍江）匯流地方重定國界務處

第十五次會議錄

華歷宣統三年九月十九日即俄歷一千九百十一年十月二十七日下午兩點鐘在齊齊哈爾省城黑龍江全省交涉總局第十五次

會議

大清國會勘中俄邊界大臣黑龍江巡撫周樹模幫辦宋小濂隨議  
員涂鳳書吳文泰張壽增委員黃光彝杜蔭田繙譯福綿仇其昌

大俄國廓米薩爾協都統菩提羅夫幫辦正參領希特羅倭參謀處  
副參領儒達諾夫隨議員協參領安德立彥果俄羅斯帝國外務部  
代表領事官阿法那謝夫漢文繙譯關博耶夫

周大臣宣布開會將第十四次會議錄畫押互換上次會議時俄界  
務處菩大臣曾謂中國界務處應於七日限內聲明是否承認俄界  
務處讓線爲至盡之界線等語此次周大臣謂此係一面意見現在  
會商核定必須就兩面所指讓線會商解決本大臣茲爲最後決斷

言之

一滿洲里車站及鐵路界線中國界務處不能退讓因該處係東清鐵路向中國政府租用經中俄兩國訂合同並有與東清鐵路公司所訂購地合同爲證況中俄會訂稅關章程及中日所訂將滿洲里等處由中國自行開作商埠條約業已宣布俄國及各國業已公認自應永遠遵守此項合同條約萬無破壞之理

二除滿洲里站界必難退讓無庸再議外其餘陸路邊界爲和平解決起見中國界務處深願由兩國界務處所指之線彼此讓步擬定一線以便決定菩大臣聲稱中國界務處關於滿洲里及鐵路界線之宣言及深願接續提議其餘陸路邊界以期核定各節應由本大

臣稟明本國政府並請訓示遂由兩大臣商定下次會議俟俄國界務處知會再定

附齊齊哈爾會議中俄界務答辯條文

一原約界單內所載額爾古訥河之右岸正對海拉爾河口在阿巴哈依圖嶺凸出處設立第六十三號鄂博可證

二第六十三號鄂博原約既載明在阿巴哈依圖嶺之凸出處並載明在額爾古訥河右岸是約內所載額爾古訥河最高處之阿巴哈依圖嶺即現在額爾古訥河左岸之阿巴哈依圖山並無兩個阿巴哈依圖也

三俄人所指達賚諾爾湖(即呼倫湖)爲額爾古訥河源未免有誤

證據如左

子自達賚諾爾湖至額爾古訥河相距甚遠距海拉爾河口亦甚

遠中間之小河名達蘭鄂羅木並不名額爾古訥

丑此河每逢夏天旱其流甚爲細小且有乾涸之時

寅此河之水由海拉爾河流出向南偏西流入湖中並非流入額

爾古訥河

卯此河各水既南流入湖並非湖水北流入河即不得指爲額爾

古訥河源

四原約界單內載額爾古訥河之右岸正對海拉爾河口在阿巴哈

依嶺凸出處設立第六十三號鄂博既曰河之右岸則阿巴哈依嶺

凸出處必貼近額爾古訥河而額爾古訥河亦即在山脚下爲起點  
斷無中隔一河另尋河岸之理此處之河必應以北趨一支爲額  
爾古訥河其餘旁汊小港及水勢別向者均不得誤稱爲額爾古訥  
河

五額爾古訥河有東西兩山西山自河面起高十一丈東山自河面  
起高十四丈五尺東山高於西山者三丈五尺則東山自係額爾古  
訥河之最高處况原約鄂博單內第十五俄國卡倫今在額爾古訥  
河旁貼近鄂博並對海拉爾河之中間在阿巴哈依嶺之凸出處居  
住現在俄國阿巴哈依圖屯卽在此山迤北貼近尤足證此山爲中

俄國界

駐藏大臣聯豫致外部英使照會所指禁止藏人與英

人直接證據並無其事函

頃奉閏六月二十日手示敬悉種切收回沙伯東地段一事前奉鈞電即經查明譯行商上原文將並無違背約章之處簽註明悉寄呈台端計邀鑒及現奉鈔示英使照會內所指禁止藏人與英人直接證據三層內如所稱 甲商埠藏官非先向華監督報明往見不准擅見英國商務委員一節豫並無此項命令江孜亞東兩監督亦未稟有此項章程又如所稱 乙英國商務委員致送藏官文牘均係華官答覆一節查藏官與英官時有函牘往來均係彼此直接並未由華官代達即上年因怕克里等處營官收取布魯克巴等處百姓烏拉腳銀等事均由



印度英官於致駐藏大臣函外徑致商上噶布倫一函即由商上自行答覆可爲藏英官員往來函件直接之證又如所稱丙此次英皇賓天札什倫布班禪大喇嘛信函即照聯大臣禁令由華監督經手轉送一節查班禪於本年正月到前藏會商事件直至閏六月初七始回後藏此項信函何時所發從何處發遞豫均不知實未發過此等禁令或者班禪因與英商務官素不相熟交由華監督代交亦未可知以上三層似均不足爲禁止英人與藏人直接之據豫在藏五載有餘於前後約章皆所素悉何敢故行違犯致礙邦交嗣後遇有交涉譯行事件於華藏文字自當益加審慎以免外人藉口合肅奉覆聯豫

十月十二日西  
藏檔

外部致法署使裴續借洋款業經資政院議決照會

爲照會事茲准度支部咨稱所有本部續借洋款於九月初十日具奏奉旨依議欽此嗣由本部咨由內閣將合同議案等件交資政院照章辦理茲准資政院咨稱本院對於度支部續借洋款連同上次借款一併核議業經公同表決全體贊成等因本部已於十月初十日與法國資本團男爵勾堆代表魏武達及甘錫雅等將續借款合同簽字蓋印咨行查照辦理等因前來相應照會貴署大臣查照可也

十月十二日借款檔

外部致伊集院東督電稱日人有本等與王國柱有意

擾亂請嚴行取締函

本年十月十二日接准東三省總督電稱十一日夜二時日人有本重雄田代秀作山根增二郎小林十郎在省城鐘樓及翰墨軒胡同等處

拋擲炸彈三枚幸軍警立時追獲有本田代二名並搜出炸彈二枚今  
早又將山根尋獲訊據有本供稱此項炸彈係王國柱卽王小堂所購  
近來遼陽鳳凰莊復等處亂起擬從省城擾亂秩序使我不暇外顧便  
可得手並定於十四日省外同時起事日人中有東鄉善樹資助餉械  
又有江崎瑞穗矢野新之助以及大原濱田川崎宮崎等均與王國柱  
匿跡日本車站招兵購械已非一日疊與日領商請協拿茲據該日人  
有本等所供實係有意破壞治安供證確鑿擬請駐京日本大臣速電  
日領立將王國柱拿獲交辦以遏亂萌仍須嚴加約束該國人不得助  
餉售械與匪人勾結如再有似此舉動該領應負其責等因查此次中  
國內亂迭經貴大臣聲明對於中國之友誼甚爲感叙奉天日人有本

等希圖擾亂復經貴大臣面允本部曹副大臣電飭日領將該日人等驅逐出界并將王國柱處以相當之處分尤感日本與中國互相關切之意相應照會貴大臣轉達貴國政府並訓令日領嚴行取締在奉日人不得再有此種行爲並協查禁止私助匪人糧械等事以保治安而敦睦誼並希見覆爲要十月十三日東三省檔

### 稅務處咨外部延吉分關擬在火狐狸溝設卡鈔送章

#### 程請照會日使文

附章程二件

爲咨行事前准吉林巡撫電據東南路道電稱延吉分關擬在火狐狸溝設卡稽查以杜繞越昨據永瀧日領面稱前因六道溝日商以局子街商貨諸多漏稅噴有煩言曾經電請駐京日使商允總稅務司轉飭

從速設卡乃至今未見實行六道溝商人致有抗稅之議請速設法辦理等語擬暫由職道出示嚴禁繞越並電囑彈春林稅司派巡差前往要路輪流稽查外懇請轉電稅務處核示等因當經就詢吉林稅務司克納勒據稱火狐狸溝及局子街兩處均應添設分卡而火狐狸溝一處尤關緊要該稅司熟悉延吉一帶情形所稱各節自係實在應懇察核辦理等因當經本處以局子街商貨既多漏稅自應設關稽徵而火狐狸溝地尤扼要且經日領屢請在彼設卡自應先行試辦惟據總稅務司言日領祇要求設卡而不願在彼徵稅該卡應如何嚴定稽查章程以杜繞越俾各貨均須在六道溝分關徵稅之處應由該關監督會同稅司妥擬辦法呈請轉咨核辦等因電覆吉林巡撫並劄總稅務司

轉飭遵辦去後茲據總稅務司申覆稱奉到鈞劄當經電飭琿春關署稅務司遵照辦理並將火狐狸溝分卡章程辦法之宗旨電訓云所有入境之貨由該卡核對後發給運照令其均赴龍井村所有出境之貨由該卡查其自龍井村分關發給之放行單是否單貨相符所有稽查徵稅事宜不在該卡均在龍井村分關辦理但各商等若自請在該卡稽查完納核其情節如不照允必使該商不便或致多所耗費亦卽可以允行以上宗旨照擬章程自可作爲試行隨時可以增改或竟撤消等語電行去後茲據申覆稱擬訂火狐狸溝關卡試辦章程已由本關監督認可並由龍井村日總領事承認將擬章之漢英文各一份送呈請卽核定迅速電覆等語總稅務司詳核所擬章程均與電飭宗旨相

符似可作爲試辦之章除將其原具漢英文章程各一份面呈鈞鑒外備文復請核奪並請早爲示覆以便電飭該關從速設卡等因前來本處查該稅務司遵照總稅務司電訓宗旨所擬火狐狸溝設卡章程尙屬妥協應准作爲暫行試辦之章如將來查有流弊仍應隨時增改或竟撤銷除劄總稅務司轉飭遵辦並分行外相應鈔黏章程咨行貴部查照酌核照會日使可也須至咨者十月十五日稅務檔

照錄延吉分關擬在火狐狸溝開設分卡章程

運入貨物

一分卡祇將運入貨物檢明證驗後發給運照由貨主持投延吉分關報請拆驗餘則由分關節制

運出貨物

一運出貨物經延吉分關發給放行單後由分卡核查該放行單若與貨物相符立即放行無阻

一拆驗貨物及完納關稅均應由延吉分關辦理如有未便之處准由商人請求聽其方便亦可通融辦理否則致令該商諸多妨礙以及耗費註解如貨物運往大礮子地方係在龍井村及韓邊界之間或由該處一帶運出貨物先往分關查驗完稅往返周旋未免遲延殊屬不便耳

一以上各款均視爲暫時試辦章程如有礙難之處可隨時酌量添改以昭妥善



火狐狸溝分卡擬行暫時試辦詳細實行章程

貨物由南運入吉林界內一帶經過火狐狸溝有甲乙兩種辦法分別如左

甲貨物由分卡到龍井村或經過者 一貨物至分卡卡員略爲檢視勿須拆驗發給甲種運照註明商人姓名及載貨中外牛馬車輛號數如有肩挑貨物者註明挑夫係何籍貫隨帶何種箱篋包裹等件若干由商人或運貨人持照前往延吉分關報關完稅

乙貨物由分卡運往他處不至龍井村或不經過者 一貨物至分卡檢點拆驗後發給乙種運照相同至於收稅一節其有緣不欲及不便在分卡徵收最宜歸在分關辦理如貨主商人擇其便利須請

關允准其辦法如左

一由商人先行自具甘結另覓鋪商二家擔保如係洋商另由該管領事官在甘結上蓋印畫押送關存案 二由商人先照應完稅銀三倍之數向分關存押每次押數須由分關預先知照分卡方可照辦

一 小本營生以及肩販貨物其辦法如左

一 進口貨運到分卡先由貨主找覓切實鋪保擔保或由鋪商押款該鋪商須預到分關理妥方可 二 或由貨主在分卡自行存款作押或將貨物一分作押該貨主自赴分關將應完稅項完納清楚後由分關知照分卡即將該押款或貨物發還原貨主如此種辦法不

便貨主不欲照辦 三或在分卡繳清應完之稅分卡發給收條由貨主持呈分關或由郵局遞寄分卡祇留存根即將收條副張寄呈分關以備核對此種辦法雖稍費事至於稅款存儲後由卡匯解分關多有礙難之處如是最宜少有爲妙

出口貨物經過火狐狸溝亦有丙丁兩種辦法分別如左

丙貨物由龍井村或經過龍井村到分卡者 一貨物到關由關員查驗完納關稅後發給放行單貨到分卡由卡員檢驗如貨與單相符即速放行

丁貨物由他處運往分卡不經過龍井村者 一貨物到卡由貨主自行開單報驗或由商人先行開妥報單蓋用圖記交車夫或代辦

人呈報亦可爲此分卡將貨與單查驗明白是否相符其貨物完納關稅辦法列後 子祇准微小之數在分卡完納由卡員發給收條放行此種辦法最宜少有若實因貨主不便往分關完稅方可照行所收之稅由分卡每星期匯解分關一次并隨寄清單 丑貨主商人向分關呈具保結 寅貨主商人向分關存放鉅款作押以上丑寅兩項辦法貨主須先自備空白帳簿一本蓋用本鋪號圖記由分關關員蓋印畫押凡遇進出口貨物或自己販運或託代辦除由鋪商發給每次運貨清單到卡呈報外必隨持該帳簿到卡經卡員將每次運貨若干應完關稅若干詳細簽登入冊後即速放行所登記各事另由卡員隨時呈報分關知道

一裝運貨物勿論呈具有甘結或放有押款均限十日內至分關完清應納之稅勿得逾過限期

一華商呈具保結須由分關關員察驗收受如有疑義以具保之人或有不妥之處可請由地方官詰問查明方憑妥實

一以上各條均係用爲暫時試辦章程如有不洽之處可隨時酌奪添改以昭妥善

外部致使英劉玉麟華僑在哥林比亞國經商希商英廷飭英領代爲保護函

逕啟者本年初四日據署巴那瑪總領事申稱現據僑寓哥林比亞國 Columbia 苟架省道媽姑埠 Tumacos 商民簡典等稟竊商等向

在該埠營生我國未與該國通商又未設有領事呼籲無門惟有向已  
派有領事之國商請代爲保護之一法查該國現在只有英德二國經  
派駐領事英國商務較大其領事尤爲有權乞轉稟外務部商請英政  
府飭下駐紮該國領事所有在埠華僑一體歸其保護以衛僑民等語  
申請核辦等因查華僑在哥林比亞國經營商業實繁有徒我國既未  
設領事駐紮該處亟應酌籌保護據稱查明駐該埠英領事可以託其  
照料辦法尙爲合宜爲此函達台端商請英國政府轉飭該處英領代  
爲保護並望見覆爲盼外務部十月十六日商務檔

外部致各國公使奉旨准監國攝政王辭退歸邸照會

爲照會事宣統三年十月十六日內閣奉上諭監國攝政王面奉隆裕

皇太后懿旨監國攝政王面奏自攝政以來於今三載用人行政多拂輿情立憲徒託空言弊蠹因而叢積馴至人心瓦解國勢土崩以一人措施失當而令全國生靈橫罹慘禍痛心疾首追悔已遲倘再擁護大權不思退避既失國民之信用則雖攝行國政詔令已鮮效力政治安望改良泣請辭退監國攝政王之位不再干預政事情辭肫切出於至誠予深處宮闈未聞大計惟自武漢事起各省響應兵連禍結滿目瘡痍友邦商業並受影響每一念及寢饋難安亟宜察內外之情形定安邦之至計監國攝政王性情寬厚謹慎小心雖求治綦殷而濟變乏術以至受人蒙蔽貽害羣生自應俯如所請准退監國攝政王之位所鈐監國攝政王章著即繳銷仍以醇親王退歸藩邸不再預政著賞給歲

俸銀五萬兩由皇室經費項下支出嗣後用人行政均責成內閣總理大臣各國務大臣擔負責任所有頒布詔旨應請蓋用御寶並覲見典禮予率同皇帝將事皇帝尙在冲齡保衛聖躬應有專責世續徐世昌著授爲太保盡心衛護現在四方多難國步阽危諸王公等誼同休戚各宜體念時艱恪遵家法束身自愛罔越範圍諸大臣身膺重任尤宜共矢公忠精白乃心力除錮弊以謀國利民福凡我國民當知朝廷不私君權實行與民更始務須謹守秩序各安生業庶免紛爭割裂之禍而登熙皞大同之治予有厚望焉欽此相應照會貴大臣查照轉達貴國政府可也須至照會者十月十七日雜項檔

外部致陸徵祥黑撫電稱中俄界約本日畫押希告俄



## 外部電

洪黑撫電稱勘界現經議定陸路邊界滿洲里站全城均屬中國水路仍照舊約以額爾古訥河河流爲定餘照部電通融酌讓無甚妨礙已於本日畫押蓋印等語希查照轉告俄外部外務部皓

十月十九日中俄界務檔

### 東督趙爾巽致外部日廷不贊成革黨及鬍匪舉動函

昨據日總領事來言已將王小堂驅赴大連至其赴大連後究赴上海否亦不能必又據大連關稅務司立花政樹稟稱本關稽查協同日警在貔子窩拿獲大礮兩門日刀五把炸彈多件已函謝大島都督暨日總領事合此兩事觀之可見日本政府絕不贊成革黨及鬍匪舉動所有發現之事皆屬下流社會所爲此處軍商紳學各界先本疑憤相同

經異將此二事剴切宣布衆情冰釋可望相安並請通告在京各國公使以彰日人之美而釋前疑是爲至要異十月二十二日東三省檔

駐法代辦戴陳霖致外部中巴公斷條約本日互換電

洪中巴公斷約款本日已互換霖敬十月二十五日出使法國檔

外部致周樹模俄使稱劃界條款無須由政府批准電

洪俄使照稱劃界條款無須由兩國政府批准政府視爲完全了結應設界牌在條約內詳爲載明等語除照覆允准外希查照辦理外務部

勘十月二十八日中俄界務檔

度支部致外部美國退還賠款已接濟兵餉俟籌妥歸

還片

爲片呈事准貴部片稱查美國退還賠款自本年起逕解部庫除業經本部支撥遊美學務經費外現在部庫仍存若干希即查明儘數撥交本部以應要需相應片行查照見覆等因前來查美國退還賠款自本年改解部庫後經本部於五月間電飭滬道提解銀十五萬兩該道實解到庫平銀十三萬六千八百六十一兩三錢一分四釐除放給貴部領過清華學堂上半年經費暨遊美學務處經費二兩平銀十二萬七百三十四兩折庫平銀十一萬三千四百八十九兩九錢六分實存前項經費庫平銀二萬三千三百七十一兩三錢五分四釐現在部庫來源告罄而應放餉項刻不容緩此款已接濟兵餉應俟庫款籌措就緒再行歸還相應片呈貴部查照可也十一月初一日美國賠款檔

使美張蔭棠咨外部墨亂議結賠償華僑財命訂立證

明書送請備案文

附覆文呈文照會函及證明書各一件

爲咨呈事案照旅墨華僑因遭亂損害生命財產甚鉅本大臣電呈大部於宣統三年五月二十九日隨帶參贊各員前往與墨政府交涉磋商六閱月墨政府經允償財命墨銀三百一十萬元並允賠禮另文聲明追兇各節惟該償款限於西歷一千九百一十二年七月一號以前交付互立證明書訂明按照兩國法例批准至遲西歷一千九百一十二年六月十五號在美京互換業於宣統三年十月二十六日即西歷一千九百一十一年十二月十六號在墨京簽押當經本大臣電請代奏在案嗣於十月二十八日承准內閣勅電內開奉旨內閣代遞張蔭棠電奏

墨允賠禮並償華僑財命已與墨外部畫押等語知道了欽此等因本大臣以該證明書既訂定按照兩國法例批准郵寄往返尙需時日故

一面恭錄前旨轉飭駐墨代辦吳仲賢欽遵先行知照墨外部一面將原訂證明書漢文墨文英文各一分寄呈大部察照查此證明書係議結賠償華僑財命案件與互訂條約微有不同應如何批准之處請按照我國法例辦理並迅賜咨還以便屆期互換茲並將該證明書另行照錄漢墨英文各一分隨文附送大部備案爲此咨呈大部謹請查照辦理施行須至咨呈者十一月初三日華僑檔

附外部覆張蔭棠中墨訂立證明書准予互換文

接准來咨以旅墨華僑因遭墨亂損害生命財產墨政府經允償財

命墨銀三百一十萬元並允賠禮另文聲明追兇各節惟該償款限於西歷一千九百十二年七月一號以前交付互立證明書訂明按照兩國法例批准至遲西一千九百十二年六月十五號在美京互換業於宣統三年十月二十六日即西歷一千九百十一年十二月十六號在墨京簽押並奏明在案茲將原訂證明書漢文墨文英文各一分寄呈察照應如何批准之處請按照我國法例辦理并迅咨還以便屆期互換等因前來本部覆核無異自應照准互換相應將原訂證明書漢墨英文各一分咨還貴代表查照辦理可也

民國元年三月三日

附外部呈大總統國務院請將中墨證明書訂期互換文附批令

爲呈請事竊准出使美墨古秘等國代表張蔭棠咨稱旅墨華僑因

遭亂損害生命財產墨政府經允償財命墨銀三百一十萬元並允  
賠禮另文聲明追兇各節惟該償款限於西歷一千九百十二年七  
月一號以前交付互立證明書訂明按照兩國法例批准至遲西一  
千九百十二年六月十五號在美京互換業於宣統三年十月二十  
六日即西歷一千九百十一年十二月十六號在墨京簽押並奏明  
在案茲將原訂證明書漢文英文墨文各一分寄呈察照應如何批  
准之處請按照我國法例辦理等因查上年四月間墨國內亂華僑  
生命財產損失甚鉅經該代表電承前外務部與墨政府交涉磋商  
議定辦法允認賠償茲以該項證明書互換有期咨請批准前來本  
部詳加查核所訂條款均尙妥協應請批准互換即由本部電知該

代表遵照辦理并一面照會駐京墨國公使備案以資信守所有中墨證明書訂期互換緣由理合具文呈請鑒核示遵

民國元年四月二十八日奉大總統批據呈已悉應即照准委任張蔭棠屆期互換此批

附外部致墨署使胡中墨證明書已電張代表互換請轉達照會爲照會事案查中墨兩國秉權代表大員爲關於一千九百十一年墨國內亂華僑所受生命財產損失案議定辦法證明書前准張代表來咨請按照法例批准等因茲經本部呈奉大總統批據呈已悉應即照准委任張蔭棠屆期互換此批除電張代表遵照辦理外相應照會貴署大臣查照轉達貴國政府可也民國元年四月三十日



附外部致張代表繕送批准中墨證明書請酌核妥辦函

逕啟者中墨證明書事接准尊處冬電藉悉壹是本應繕錄全份簽名蓋印惟檢查前送鈔件漢文外祇有英文二份並無墨文在內無憑照錄茲由本部用中國紙張照繕漢文二份裝訂成冊呈請大總統親書批准字樣簽名蓋印並由本總長簽名訖加封郵寄至乞檢收其原書尺寸若何無可標準特將紙張邊幅加寬預留餘地如須與原書尺寸相稱仍可略爲裁小俾歸一律但書內署名之處須飭注意不可侵損再裝訂背面結紐處應由尊處蓋用關防此外如有未盡事宜統祈台端酌核辦理俾臻妥協並將收到日期電部爲盼

外民國元年五月八日

附墨國賠償華僑損失證明書

前因華僑在墨國境內身家財產均受損失且多有被害甚慘酷無人理者墨西哥共和國政府以爲凡待人理應誼摯意厚對於友邦人民尤宜加厚而此次所有舉動殊悖此意是以亟向中國政府道歉致意又墨西哥共和國政府力持凡一國革黨或亂匪所爲其國除國際法所承認諸特別例案外一概不能擔任其責而上段所言情事墨西哥共和國政府以爲亦不在國際法承認諸特別例案內然對於受有損傷亡失諸中國人民仍情願按照此次證明書所定給以賠償以昭情誼將來不得以此作爲成案又中墨兩國政府於上段所言情事均願免將來再有辯論故和洽議結辦法中國政府

於此事承認墨國政府之美意茲由兩國秉權代表大員議定辦法  
條款於左

第一款 墨西哥國政府應交付中國政府墨幣三百一十萬元其  
幣應按照現時價值核計

第二款 上段所言之款應由中國政府簡派駐墨之外交代表大  
員接收或由中國政府所派之他種秉權代表員收受亦可

此款應於一千九百十二年七月一號或以前在本處墨京交付  
第三款 凡在墨西哥共和國境內之中國人民當一千九百十年  
內亂時或因其事所受身家財產之損失並自一千九百十年十一  
月二十號迄本證明書議定之日期限內華僑一切之損失茲兩國

政府特爲議定因本證明書定有交付之款中國政府或其人民不能再向墨國政府或其人民要索無論何種之賠償所有華僑因該內亂聲請賠償之案本款既已議定辦法應據例全行銷廢

第四款 本證明書應按照兩國法例批准此批准應在美國華盛頓都城墨國大使署互換至遲不得逾一千九百十二年六月十五號本證明書用中墨英三國文字繕寫由兩國全權大臣簽押蓋印以昭信守

本證明書無論何段將來遇有意義疑不能定者應以英文爲主計中文墨文英文各二份

宣統三年十月二十六日西歷一千九百十一年十二月十六號立

於墨京

出使美墨古國大臣張簽印 墨外部嘉李路簽印

東督趙爾巽咨外部呈送中日合辦本溪湖煤鐵公司

合同附加條款文

附條款

爲咨呈事案據奉天交涉司呈稱案准本溪湖煤鐵公司管總辦鳳龢函稱竊公司兼辦製鐵事業呈請在距離鑛區一百華里內限制創立同類工場曾經奉到部准行知在案惟查公司新訂附加條款內聲明此項附加條款得中國政府批准後方能作爲有效本溪湖煤鐵公司即改稱本溪湖煤鐵有限公司兼採鐵製鐵事宜各等語則是煤鐵公司開辦日期當以奉到中國政府批准之日爲始現限制製鐵工場既

經批准所有訂立附加條款理由具文呈送鑒核咨部立案等情據此  
除批示外相應咨送貴部請煩查核立案施行

計咨送附加條款一冊十一月初十日鑛務檔

中日合辦本溪湖煤鐵有限公司合同附加條款

奉天交涉司現奉東三省總督委派特與日商大倉喜八郎訂立本溪湖煤鐵有限公司合同附加條款如左

第一款 此附加條款得中國政府批准後方能作為有效本溪湖煤鐵有限公司亦即改稱本溪湖煤鐵有限公司兼辦採鐵製鐵事宜

第二款 中國政府允准本公司增加資本北洋大龍元二百萬元  
中日商人各出其半照左列數目分年按期支出交付公司宣統四

年三月初一日六十萬元宣統五年三月初一日八十萬元宣統六年三月初一日六十萬元中國商股未招集時可由中國政府先付續招日本國商股概由大倉擔任辦事其辦理合同概照

第三款 中國政府爲發達本公司起見允將廟兒溝鐵礦不作爲權利股本但須於每製鐵一噸提銀二錢爲中國國家辦鑛務學堂等用此款存儲公司俟營業發達時再行提支（以能付官利爲發達之期）

第四款 鐵苗出井稅每噸繳納庫平銀一錢海關出口稅照海關稅則繳納其他均照原合同第九款辦理

第五款 地方附加稅本公司按照地方自治章程納出井稅十分

之一

第六款 公司開採廟兒溝鐵鑛之區域按照原合同第十二款辦理

第七款 公司用人除主事事務員技手職工頭以上人員概照原合同辦理外其他各項職工工人鑛夫頭鑛夫爲工價低廉起見概用中國人

第八款 附加條款應與合同有同一之效力凡未經附加條款聲明者如分配餘利使用土地及其他事項概照原合同辦理

第九款 此附加條款簽印後應由兩總辦將事務總則細則改正呈候督辦核定報明總督批准遵辦



第十款 此附加條款仍以中日兩國文字繕寫五份附加原合同之後照原合同第十五款分別存案以後遇有誤解專以中文字意爲憑

宣統三年八月十五日明治四十四年十月十六日

奉天交涉司許鼎霖押總領事小池張造押大倉喜八郎押

代理魯撫胡建樞致外部德領請撤銷運牛限制應俟  
各議員議決施行函

敬啟者昨奉台函以德領事請撤銷運牛限制一事東省情形稍有不  
同不必待直隸議決囑查照前函自行酌辦等因足徵指示周詳莫名  
感佩查此事前准直督覆函謂該省未便取銷孫前院寶琦以原案發起

於諮議局遂遵照大部前函所示俟該局續行召集時發交核議並函覆德領事查照在案建樞覆查此案糾葛兩年屢經交涉外人既未就範自應及時設法變通諮議局前因事暫時解散孫前院已於日前函召常駐議員似應俟各議員來省議決施行較爲妥協近來德俄各洋商對於此事尙無異言倘再事要求只可變通辦理建樞惟有於兩方面並顧兼籌以期副大部慎重交涉之意樞十一月十三日禁令案

外部致伊集院吉林日人販賣嗎啡既經驅逐華警亦已處分照會

爲照會事吉林巡警局拿獲日本人販賣嗎啡一案本年八月三十日接准照覆稱當令領事查明報告惟巡警擅入商店搜查係屬違法之

行爲應請轉飭加以相當之處分十月初九日又准照稱據領事報告  
販賣嗎啡之人已罰辦一名其餘四名正在審查將來必有公正之處  
置仍請轉達吉林巡撫對於違法之巡警務予以相當之處分各等因  
均經本部轉達吉林巡撫去後茲據該撫覆稱日本領事於私賣嗎啡  
各犯既分別審查驅逐其要求對於巡警予以相當之處分亦已飭司  
分別懲罰並經照覆日本領事此案已經完結等語相應照覆貴大臣  
查照可也十一月十九日禁煙案

南京民政府致各國領事推倒清朝保護外人生命財

產通告

宣統三年十一月二十一日收譯通告

宣統三年十一月十七日南京民政府通告駐滬各國領事請其各將此項通告轉達本國政府此項通告係經民政府總統暨外務部大臣署名通告內詳述民政府必欲推倒清朝之原因並云該政府允許凡於革命起事之前中國政府與各國所訂一切條約暨路鑛租地借款各合同均一律承認並允許保護外人生命財產暨服從新政府之滿人又允許修改法律整頓財政末云甚望各國公認此新政府云

雜項  
檔

### 外部致各國公使聞張謇爲革軍商借洋款請阻止函

逕啟者現聞革軍因財政困難由張謇密商洋人以江蘇鹽稅爲抵押擬借一千萬元云應請貴署大臣留意如有此事切須阻止貴國商民勿允此借款以免有違各國對於此次亂事之宗旨專此函達即請察

照十一月二十一日借款檔

使俄陸徵祥致外部俄外部言庫倫事如中國有他法

### 俄決不願顧問電

申蒙事遵二十日電剴切詰探彼詳聽既畢旋稱世代辦所稱確係政府意惟宗旨爲調和華蒙並不願蒙有倚賴俄國之心起見因桂大臣屢向世代辦商請俄領協助並世代辦亦曾在大部接洽是以俄竭力設此調停之法其中不得駐兵殖民各款皆蒙人所願緣蒙屢將各項情形向俄聲訴且倚俄之心甚切俄實顧念邦交故再電飭領事切告蒙人俄決不可倚賴數日前尙電致庫領飭將派人來俄之舉堅拒祥稱雅意甚感惟鐵路建築權何爲彼笑稱此爲調停之酬報俄既竭力

調停當不能無酬報至於近來對華宗旨可指天日祇須中國有他法俄必不願顧問惟以彼所見若不籌商妥洽在先恐桂大臣前往亦難辦理祥告以此層可勿預慮祇勸俄切不可干預如近來傳聞有俄人在蒙挑釁等情彼稱不但不願干預並已屢拒請求且於報紙將俄不派兵入蒙亦無派兵之心一再聲明當所共見惟蒙人倚俄以脫中國羈絆之情甚切祥稱以吾所見無論如何目前不能訂此條款彼稱亦無不可惟各處地方官輒於爲難時避赴領署萬一地方不靖領事不堪受累勢不能不派兵保護領署屆時請勿見責云再士使臨行病阻

俟愈即行囑附陳徵祥

十一月二十三日出使俄國檔

東督趙爾巽致外部日人鎗擊海城縣令事情重大已

## 駁覆電

申據海城縣趙令電稱本月二十七日晨有日巡查名石田直者稱有密函報告趙令在客廳接見石田請退僕從甫投信即鎗擊趙令左臂傷至骨損並擊斃工役侯某一名犯即逃回車站日警署已獲犯昨接日領轉關東都督府電稱石田似因發狂所致當經駁覆事情重大除詳情另報外特聞異豔十一月二十九日東三省檔

## 法使馬覆外部南軍與洋商借款未聞商人議及照會

爲照會事西歷正月初九日接准函稱南軍與洋商密議借款一千萬元以江蘇鹽稅作爲抵押特請禁阻允借以免違背各國從亂事起始以來所遵守之宗旨等語前來本大臣查向來未聞有本國商人議及

此事如果查知實有此項舉動自不贊成爲此相應照知貴部查照可也十一月二十九日借款檔

### 旨寄各督撫將軍都統著嚴飭所屬保護外人電

奉旨東西各國人士來華通商傳教歷有年所理應按約保護方今四方多故誠恐有不法匪徒乘機肇釁擾及外人朝廷深爲憂憫著直省將軍督撫及順天府府尹各路軍隊統將務各嚴切誥誡所屬將吏凡外人生命財產一律妥爲保護如有侵害損傷者立即按律嚴辦毋稍寬貸欽此閣東十二月初一日雜項檔

內閣致外部日兵出關保護橋樑與約不符請商日使

撤回函



頃據京奉路局本月十八日電稱山海關第一百四十一號橋被炸後昨日駐關日本軍營撥兵出關前往該處保護等情查辛丑條約關外鐵路並無准各國駐兵之語況該橋自失事後已飛調各軍隊前往保護應請照會日本駐京公使電飭該處日本兵官將派守一百四十一號橋之兵隊即日撤回以符定約至盼

十二月十八日各國軍隊保護京奉鐵路檔

外部致伊集院民軍以招商局產業向日本抵押借款

### 請阻止節略

茲准度支部文稱本部訪聞南京民軍政府現擬以招商局產業向日本郵船會社抵押借款一千萬元等情查自本年八月十九日後各國官商嚴守中立並無借款與兩方情事今民軍政府擬向日本商人借

款如果有成議當認爲破壞中立應請貴部迅向日本駐京大臣聲明不能承認此項借款以免日後轆轤等情應請查照迅即阻止並希見覆十二月二十日借款檔

海軍部咨外部英廠代造魚雷艇試驗事已電劉大臣

查照文

附電稿

爲咨行事軍政司案呈准貴部咨開十二月十九日准駐英劉大臣電稱船廠承造滅魚雷艇於四星期內行正式試驗應否派員監視將來如何運回請轉海軍部核覆等因前來除由本部電覆劉大臣外相應黏鈔電稿咨行貴部查照可也十二月二十二日船政檔

附鈔覆駐英劉公使電

海密外部轉篠電悉如係阿廠承造之巡洋練船行正式試驗請轉程統領就近監視至運回一節應與威廠之船同一辦法容後電聞海部號印

郵部致外部各國派兵保護京榆鐵路章程分別准駁

函附章程

敬啟者據京奉路局稟稱據程總工程司稟開接駐津英國統領孤巴函稱此次英法德俄美日本六國之軍隊爲保護鐵路通達起見經各統領商訂章程七條呈奉各國公使核准在案茲承領袖統領諭將該章程照印一紙請轉達貴局總辦照第三第五條章程辦理以資保護等因謹將送來章程呈核以便函覆等情查章程第一條沿路線各要

站及橋樑宜派兵保護一節案查辛丑條約載明各國駐兵地點係由黃村至山海關止此次註寫沿路字樣自應仍將詳細地點開明以免涉及關外又第三條在天津及山海關預備修道車輛滿裝材料一節按職路修道材料均散存各站倘有所需隨時皆可取用似無須另用車輛裝備又第五條在山海關及天津早晚備便車一列足敷運步兵二百五十名之數以資救援一節查山海關天津早晚各備專車一列一切煤油耗費甚鉅現全路大站均有車輛存放倘有事時祇須隨時知照洋稽查便可預備無誤謹將章程譯呈查核示遵等情前來當將第五條可告以現在運輸事繁常備專車兩列車輛恐不敷用且煤油耗費甚鉅現山海關至黃村各大站均有車輛存放倘有事時祇須隨

時知照洋稽查便可無虞延誤第三條關繫較輕不如允許照辦以敦睦誼但可聲明此舉本屬多餘倘各國統領之意可以不用即無妨作罷再此章程係根據辛丑和約及聯軍交還京奉路以後章程而生按和約與章程各國駐兵保護通道之線係由黃村至山海關現擬章程所稱沿路字樣自係指黃村至山海關而言云云飭由京奉路總辦函覆英國統領去後相應鈔錄送到章程七條函達貴部查核即希察照爲荷十二月二十七日各國軍隊保護京奉鐵路檔

照錄六國統領協定保護鐵路通達章程一件

第一條 沿路線各要站地方及橋樑宜派兵駐防

第二條 凡官軍或革軍准其在鐵道或附近碼頭隄岸轉運起卸

人馬等項不得阻攔

第三條 宜將此章宣告官軍革軍週知以期無礙鐵道而免損壞  
在山海關及天津須預備一列修道車輛裝滿修路材料以防不虞  
此條宜照會郵傳部照允辦理

第四條 凡有毀壞鐵路緊要地方如車站材料廠機器橋樑等處  
六國之軍隊合力拒敵以保全鐵道通達

第五條 應請郵傳部在山海關天津早晚備便車一列以足敷運  
步兵二百五十名之數以資救援

第六條 全路報房及電線宜保護以資通達官軍革軍均准其由  
該電報房發各電文

第七條 各國管帶駐紮各處巡防須知第二三四六條所訂各章務盡現有之兵力以期兩方面遵守不得稍有違章

外部致伊集院大倉洋行付款展期契約已由部簽押

### 照會

爲照會事准度支部咨稱查陸軍部前由日本大倉洋行訂購軍裝計日幣二百七十三萬二千六百四元除付過第一次日幣九十一萬零八百八十元外下餘日幣一百八十二萬一千七百六十元業經到期惟值財政艱難經陸軍部會同本部與該行協議展期歸償查原契約第七條內開關於本契約之締結應由外務部以公文通牒日本使館等因相應將原契約附屬清單等件咨送查照等因前來查前項契約

已於本年十二月十八日由度支部陸軍部會同蓋印簽字相應照會  
貴大臣查照可也十二月二十七日借款檔

### 外部咨度支部雲南隆興英法公司償款請撥付文

爲咨行事接准法馬使照稱西歷去年八月間雲南隆興英法公司允  
將原立合同作廢曾經允許付給補款以六個月作爲一期每期撥付  
庫平銀二十五萬兩聲明每臨付款期限應於前一個月由英法兩公  
使照會貴部以便籌備西歷本年三月二十六日係付第二次款項之  
期是以先行照會查照迅將應付英法公司第二期庫平銀二十五萬  
兩先期備齊知照本部派員關領以便如期撥付可也十二月二十九日借  
款檔



跋

海通而後事變繁興蔑公理而恃強權遂開千古未有之局識者恫焉其間交涉之程序經歷之情形時或見於公私記載顧躬親其事者每未必筆之於書筆之於書者又未必躬親其事求其條分縷晰本末釐然成敗興衰之迹一展卷而咸能貫澈者蓋憂憂乎難之矣先太常公樞垣倬直垂二十年深念國事糾紛政要莫先乎是舉凡廟堂政令疆吏廷臣各章奏以及機密廷寄往復文電不見邸鈔者悉昕夕纂錄寢處不遑起自有清光緒元年以訖三十年四月積稿盈篋未編而逝亮於其時述職祕魯迨返國後浮沉部署無暇及此嗣往歐美盱衡異邦謠俗政治益歎盛衰之原繫乎外交者至鉅用是閉門卻掃屏除塵俗

誓竭棉力蕪竟前業閱時十稔乃克告成其光緒三十年五月至宣統三年之事迹則爲亮搜集續編者並以事實爲經年月爲緯爲史料索引一書以時日爲主文件爲從爲外交年鑑一書均附刊全書之末藉便檢查至先公別撰西巡大事記敘述時事亦於史料有關因另編成卷惟原稿中間有見聞未備者則採訪增補之爰於觀成之際謹述先公纂輯宗旨翰舉辜較用質大雅一曰嫻約章之顛末立約之始有創有因原委不明抗爭奚自此書所錄非輜軒使者之記即槃敦修好之文竟委窮原綱目畢備至如磋商條款作戰議和諸事尤爲翔實二曰詳界務之變遷寸地尺天莫非國土華離甌脫詎容輕讓此書於東北西北邊界之劃分東南沿海防務之籌佈靡不瞭如指掌至若禦侮失

策割地請成蹙我疆圉言之增痛三曰明利權外溢之故吾國內政動輒牽涉外交如因海關航郵而聘用外人因交通實業而訂借外債其尤甚者若英之於長江西藏俄之於新疆外蒙法之於滇桂日之於福建東三省竟成爲勢力範圍前事不忘後事之師觀於此書謀國者當知所懲誌矣四曰知新政遞嬗之由有清行政率狃舊章至光緒中風氣始開如中法戰後則籌辦海軍電報鐵路等事中日戰後則提倡教育財政陸軍實業交通等事迨庚子亂定力圖自振恆有因對外而改革內政者尋求緣起具見斯編五曰考當局措置之得失外交扼要貴知彼己謀謨失當因應都非此書敘述釁端明白如話當時策略優絀畢陳如光緒五年伊犁之役公諸輿論曾紀澤卒憑以爭回霍爾斯河

之地迨二十二年中俄密約告成而橫貫滿洲鐵路及旅大要港均隨約而去孰得孰失取鏡堪資六曰辨私人著述之是非道聽塗說不免訛謬各家專集亦多略而不詳其有未敢昌言者輒隨意刪潤莫詳真相此書皆採集當時文告是非之間直述無隱歐美史學家所謂第一等資料者知非虛言綜此六端胥關要旨而遠之足與前朝夷務始末記先後銜接近之可供政學諸界時事研究之需雖一代之遺聞實先公畢生精力所萃者也顧輯錄伊始事涉機要例禁傳鈔先公憫國勢之衰微痛列強之侵削不避艱險銳意圖成中遭戊戌庚子兩度危難自恐不免嘗以此書授不孝穴地藏之且詔之曰身可殺書不可亡每一念及芒刺在背亮也不才能知先公於萬一楹書可讀手澤猶新

當茲外患內憂海宇鼎沸設不及時編校是於國爲不忠於父爲不孝其將何以自解耶用是竭其駑駘旁搜博采復承海內外閎達之助得以有成深冀邦人君子鑒已往之陳迹救嚴重之時艱斯則亮所馨香禱祝者爾

又按宣統朝外交史料告成距先公見背時已三十年矣因書中體裁悉遵光緒朝史料編輯並非創始於亮故卷首仍列先公之名於以誌先公肇造苦心子若孫統於一尊仍率循罔越也至上下兩編命名不同則以時代關繫自不得不分別標題用符事實閱者鑒之

中華民國二十三年一月男亮謹跋



# 清宣統朝外交史料校勘記

卷	頁	行	誤	正	卷	頁	行	誤	正
一	錄目一	三	日人	日使	一	五	三	者外	以外者
一	錄目四	六	函遞	面遞	一	五	三	絲毫	絲毫
一	三	六	送與	迭與	一	五	六	界牌	界碑
一	六	三	擬接與	擬與	二	錄目二	三	初六	初九
一	六	八	部葡	部已電葡	二	錄目二	四	全行衍	
一	二七	五	乞代表衍		二	四	一四	將設	將來設
一	三九	七	徐噶	除噶	二	四九	註小五	二月	閏二月
一	四九	二	名田宅	置田宅	二	五	一七	十日中韓界務檔	十一日在韓租界檔
一	五	二	集使	集院使	三	錄目二	八	摺下脫附條款	





八	八	九	九	九	九	九	九	九	八	八
四六	五三	五三	五三	三三	三〇	二六	錄目三	錄目一	五三	四六
二	九	四	四	一九	九	二	一四	三	九	二
治明	國我	塋地	水瀧	蜿蜒	賴以	來出	運載	墾飭	紹基	紹基
治明	我國	撤退	永瀧	蜿蜒	以賴	來運售出	運輸	懇飭	肇基	肇基
〇	二	三	三	三	三	三	三	二	三	三
三	錄目三	錄目二	錄目二	四九	四七	三	錄目二	四〇	三	三
二	四三	七	七	一九	註小四	二一	註小〇	一六	一三	一三
每駐	四件衍	束縛	束縛	八俄使	照會八件	問主	八件	照會電	九百二十畝	九百二十畝
每埠駐		十一行與十二行倒置	束縛	七俄使	照會七件	問此主	七件	照會	設賭詭騙	設賭詭騙

卷之二十一

一四	一四	一四	一四	一四	一四	一四	一四	一三	一三
四五	四〇	三九	三五	三三	三三	二〇	錄目一	三一	三一
三	四	一七	一	二七	二	二七	一	一七	一四
華商	埠完時納	陸通	持字應低一格	蘇蘇章程	章程	會議哈爾濱 江關章程	山遠	三月至四月	三百六款
華洋商	埠時完納	陸路通		蘇蘇分關章程稿	章程稿	會議哈爾濱江 關章程稿	山甚遠	三月下至四月	四百〇六款
一五	一五	一五	一五	一五	一五	一五	一四	一四	一四
二五	二四	二七	一〇	七	三	錄目二	四九	四七	四六
一	三	三	三	一六	七	一六	三	二	一八
初三日	云助	訓商	即經	交涉司使	領要	蔭昌	有國家之	駐藏	優如
初六日	云協助	訓請商	既經	交涉使司	領覆	蔭昌	有此國之	距藏	優加

一五 二六 註小六 八俄日日

八日俄日

一五 一七 二〇 雷俄

雷對於俄

一五 一五 三 再行會

再會

一五 一四 一五 時有

時價有

一六 錄三 一九 熱察

熱察

一六 二 九 無異

無與

一六 三 九 疆土

疆土

一六 四 六 公司

公司

一六 四 五 印人

英人

一七 錄二 註小六 初六日

十一日

一七 二 抑祈

仰祈

一七 二六 一九 殊批

殊批

一八 三 八 再

孫寶琦片再

一八 一五 一七 欽此

欽此 疊捐橋

一八 一八 七 添他

添築他

一八 三 八 除殺

除擊殺

一八 三 一六 免強

勉強

一八 四 八 關機

機關

一八 四 一 電覆陳

電陳

一八 五 註小〇 二十二日

十二月二十

一九 一四 四三 據別條約分照

據條約分別照

一九 一八 九 鞏相

鞏大致相

一九〇七	一九〇七	一九〇七	一九〇七	一九〇七	一九〇七	一九〇七	一九〇七	一九〇七	一九〇七	一九〇七
九	三	八	二〇	一四	一四	一四	一四	一四	一四	一四
存圖	築擬	檢所	二局	鉅以	大東北	均勻每年	使以	置啄	地內	益於不日
存廢圖	築鐵路擬	檢驗所	二分局	鉅加以	大東大北	每年均勻	使以	置啄	內地	益不
二	二	二	三	三	三	三	三	三	三	三
二	二	二	三	三	三	三	三	三	三	三
一	一〇	三	一	二	小 文	三	三	三	三	三
華辦	彬州至成都	安士	杆格	已定	文件	光彞	光彞	光彞	光彞	光彞
華人辦	藥州至成都	安士	桿格	已訂	文各一件	光彞	光彞	光彞	光彞	光彞